

四庫全書

集部

欽定四庫全書

文苑英華卷一百三十八 宋 李昉等 編

鳥獸八

鶴處雞羣賦一首 木雞賦一首

反舌無聲賦一首 鷺巢賦一首

秋鷺辭巢賦一首 鳥擇木賦一首

射雉解顏賦一首 數雞鳴度關賦一首

鶴歸華表賦一首 紙鳶賦二首

鶴處雞羣賦

皇甫湜

羣雞兮喧卑獨鶴兮超特何躁靜之殊致顧仙凡之異德今乃同處斯為失職持軒昂之貌棲耻鑿垣抱清迥之心餓羞爭食恐沈於衆何德之孤志在廓寥跡依泥塗戀祥雲於紫蓋憶仙馭於清都處衆而將齊一鸚離羣而每羨雙鳧孰曰其微易散茲乃實繁有徒在識家而競入悲得食而相呼憂心悄悄愠于羣小憇霓裳於永夜鮮玉羽於清曉思大湖之澡刷念秋漢之清矯

涅而不緇素以為表寂寞清唳依違馴擾同李陵之入
蕃誰為同志似屈原之在楚衆人皆醉或振羽以將鳴
或戎冠而瞪視鶩鶩煩耳紛紛撲地安知警露之質豈
識凌雲之意獨立不懼誠則莫之與京碩大無朋所謂
拔乎其萃何憂乎彼衆我寡而患乎去同即異慘澹無
色低徊不平困眼前之擾擾哀足下之營營動必以誠
鄙度關之詐戒之在鬪非擅場之名誰恤大以捨小念
彼濁而此清和而不同卑以自牧動憂違衆居常慎獨

彼雖距似金形似木終羞與噲等為伍孰慮夫下交之
瀆是宜翔金穴集芝田冀松喬於碧落侶鸞鳳於紫煙
而忽齒陋質於階下溷愚衆於君前惆悵非所昂藏自
賢顧彼雞矣相羣若是多多益辨兩兩而比自謂烏巾
之賢且具天下之美與之遊息甚可嗤鄙每戒比之匪
人常耻獨為君子時乎有在物不終否爾惡能免我哉
吾當一舉千里

水雞賦

以致此無敵故
能先鳴為韻

浩虛舟

惟昔有人心至術精得雞之情情可馴而無小無大術
既盡而不飛不鳴對勅敵以自持堅如挺植登廣場而
莫顧混若削成初其教以自然誘之不懼希漸染而能
化將枯槁而是喻質殊樸斲用明不競之由狀匪雕鏤
蓋取無情之故然則飲啄必異嬉遊每殊竚栖心而自
若期顧敵而如無日就月將功盡而稍同顛拚不震不
竦性成而漸若朽株已而芥羽詎設一作玄雕籠莫閉
卓然之至全變兀若之姿已致首圓脰直輪桶之狀俱

呈嘴利距鋤枳枸之銛並利是以縱逸情絕端良氣全
臆離披而踵附昨眩曜而節穿驚被文而錦翼蔚矣迷
寒木而花冠爛然虛憍者懷不才之虞安能自恃賈勇
者有攻堅之懼莫敢爭先故能進異激昂處同虛寂郢
工誤起乎心匠郇氏徒驚乎目擊澹然無撓子綦之質
方儔確爾不回周勃之強未敵之一作其喻斯在其由可
徵馴致已忘一作忌乎力制積習潛通乎性能是則語南
國者未足與議鬪東郊者無德而稱士有特力自持端

然不倚塊其形而與木無二灰其心而顧雞若是彼靜勝之深誠冀一鳴而在此

反舌無聲賦

以氣感聲盡取以候時為韻

張仲素

彼衆禽兮終歲嚶嚶此反舌兮語默有程蓋時止而則止故能鳴而不鳴青春始分則關關而爰語朱夏將半乃寂寂而無聲有以見天地之候有以知禽鳥之情爾乃觀其所來察其所以或羣或友爰飛爰止啄朱櫻而潛下媚綠楊而暗起先秋而默耻競響於蜩蟬擇水而

遊契不言於桃李於是靜觀其妙先徵其比闕茲百轉
誠煩辭於躁人默若三緘象欲訥於君子徒觀其行藏
以時喧靜惟允其鳴也有節其默也可準初疑管弦之
並奏鏗爾曲終又似環珮之齊鳴詘然聲盡是以理契
中寂道符間澹陰陽爭而止聲春夏交而知感哂城鳥
之夜噪向曙仍啼歎野鶴之秋鳴在陰常慘原夫生乃
依巢來而作候靜集林薄閒棲苑囿飛而無懼知皇家
仁解網羅應不憊期答聖君信及鳥獸懿夫過其音調

其羽結舌何異消聲可取鸞能嚙鸞善舞鳳鏘鏘而聲
樂鴈嗷嗷而音苦在和鳴而則多於敬授而何補曷若
動適其宜靜得其時伴玄鷺之辭巢秋而俱去陪黃鳥
之遷木春以為期豈比夫嘻嘻者聞妖於亳社交交者
見刺於秦詩斯則冥契陰騭迥殊品彙標羽族以稱奇
載月令而為貴配鳴鳩之拂羽備歲候於三百六旬媿
鷓鴣之吞聲應天時於二十四氣至矣哉隨時之智從
宜之義抑斯禽之謂

鷺巢賦

以平入空
極為韻

樊晦

鳳凰集於梧桐鷓鴣巢於枳棘俱順時以適理盡攝生
以自得豈如雕梁棋燕葺高巢以安息既開玳戶逐仙
羽以長生或在玉筵

疑作玉筐文選安陸玉碑
文注有姚氏取燕覆以玉筐

馴主人

而含識質有稟於玄造妙無方兮何極頡頑金屋差池
翠宮銜泥繞棟度勢巡空憐綺窓之華影愛羅幌之春
風得地相賀分飛就功廣狹殊軌規模不同散彩彬斑
攢文滌瀆疊輕藥而矜暖布重泥而訝濕跡似連珠形

如聚粒霽光分曉出虛竇以雙飛微陰合暝舞低簷而
並入我室既真虛白自生逼之不懼撫之不驚故烏鵲
可循而窺也龜麟協瑞於太平余所以觸物而作興唯
鷺雀之一鳴

秋鷺辭巢賦

以秋冷去
急為韻

侯喜

漢落葉兮火星西流

落葉一作紫戶續漢禮儀志曰
仲秋之月縣道皆紫戶比民

白

露降兮萬物知秋嘉此鷺之有感將辭巢兮命儔命儔
兮焉求應節兮周遊去此集彼正為良謀經北戶以一

息度南軒而久留久留伊何我翼新整雖華屋之可戀

怯高巢之夜冷得不上下其音翩翩其影射疑白日之

淹留候令辰之光景乘秋而發且有便於風高養羽既

成亦可知其路永况夫將適之所必能安據縱眷乎此

巢可居固難以久而不去克有攸往足觀來譽殺氣澄

秋晴光滿曙當是美景此焉騫翥遂乃橫絕堦墀遠謀

原隰事必謀始翔而不集空長而矯翼彌高日暮而連

飛轉急同發者或有不進後來者莫能相及巢兮徒有

思其所葺

鳥擇木賦

以君子之德翔而後集為韻

鳥之擇木者不在乎得高枝在乎得所履或凌雲之幹而不可集或在庭之柯而必可止依惟賢之主人遠挾彈之公子若夫鳴而後集翔必有疑如智者之千慮叶君子之三思山有不材豈謂心乎愛矣林多獨秀寧同主則擇之孰謂無心依於有德豈惟葉之萃一作翠幹之直必在無驚弦之憂傾巢之逼惟喬之下想游女之求

思避惡之陰同志士之不息若乃翼隨雲展身以風翔
觀平林之漠漠見絕嶺之蒼蒼豈爰止兮失正誠所集
兮向方容足之柯乃處隱身之葉是藏故有繞樹之鳥
鵲棲桐之鳳凰是知擇善而從何常之有既無巢幕之
誚詎貽高墉之咎道惟空際諒有開而必先棲或林端
乃觀影而從後未安其所豈樂其羣傍青冥而頡頏白
日出幽谷而翱翔碧雲水隔山而猶遠煙拂樹而漸分
將欲巢林杪渡江濱如蕭何之擇漢主虞卿之謁趙君

原其羽族所棲惟巢是葺雖衆樹之相蔽唯一枝而可
給處必擇地食無不粒飛乃從宜固難妄集若然則禽
之有靈也不可以愚智相期不可以飛走見遺集灌既
知有以始巢當復何時是也一作良木可期儻主人之
見納俟我於庭乎而一有已字

射雉解顏賦

以藝極神驚愁
顏變喜為韻

浩虛舟

昔賈氏兮其容似鄙伊室家兮中心莫喜將非匹以為
念懼無能而是恥自初筭之歲終日低眉因獲雉之辰

有時見齒原夫他室是託芳華正春謂妖容之可恃顧
陋質以難親自西自東每棲棲而反目不言不笑常脉
脉以凝神爾乃釋憾無方從權有計因如臯以肆望逞
若神之絕藝執弓挾矢期應手以無遺果志愜心冀迴
眸之一睇以一作已而健馬蹄疾中原草平想媿媿之未
悅聆夏夏之初鳴花顏恂恍以徐駭錦翼翩翻而忽驚
遲迴而滿月將發眇睩而橫波以青由是執轡情專馳
神望極星走白羽綺張丹臆陋容感縮以興憤慢臉媿

娟而改色彩毛迸落初莞爾以難持飛鏃洞穿遂媯然
而不息及夫廣陌將暮征途既還鳴笳勁挺以風響澡
翰毡毳而血殷盼么麼之凡姿於焉改貌散低迴之鬱
志由是開顏向使恨蓄兩心功虧一箭終悄兮而莫釋
寧啞其之可見委絲蘿之弱性沒齒而難忘慘桃李之
穠華終天而不變是知陋不足耻藝誠可優嘉五善之
殊妙解三年之積愁然後知一笑之難得豈止千金而
是酬

數鷄鳴度關賦

宋言

鷄伺晨而風雨不渝人懷詐而關防可圖效長鳴於頃
刻排大難於斯須近取諸身俾羣情而莫測出於余口
將五德以無殊昔者田文久為秦質東歸齊國之日夜
及函關之際顧追騎以將臨念國門之尚閉君臣相視
方懷累卵之危豪俠同謀未有脫身之計下客無名潛
來獻誠君禍方垂於虎口臣愚請數於雞鳴於是鷹揚
負氣鷄立含情迥夜遙天未變沉沉之色攢肩鼓臂因

為喔喔之聲審聽真如遙聞酷似高穿紫塞之上深入
黃河之裏一鳴而守吏先驚三唱而行人盡起迴瞻滿
座皆默默以無言散入荒村漸膠膠而不已想夫計即
成欺人皆不疑重門似洞以俱闢駟馬如龍而莫追雖
師曠之聰誠難辨矣縱治長之慧未必知之於是考智
謀察能否君於士兮誠重士於君兮亦厚念秦隴之百
二難逞狼心笑齊客之三千不如鷄口既而美播強隣
名聞上賓暫解咽喉之急永為心膂之臣想季路之危

冠相侔未可任秦皇之利背欲學無因豈非志在酌恩
居然造響清濁如一高低不爽迷翰音之類應若同聲
闢反拒之門易於覆掌始知戰國之多才是招賢之道
廣

鶴歸華表賦

以去家十歲今始一歸為韻

昔丁令威登仙紫微念故鄉之久別化靈禽之疑一歸
翻瑤臺而遂下見華表而堪依淒涼而舊跡猶存徘徊
有戀寂寞而故人誰在悵望難飛原夫托玉羽以潛遊

歷丹霄而暫憇闕聞天之逸響駐凌雲之遠勢疑

疑思

慮於木末俯閭闔於煙際光陰可惜歡娛有悞於當年

丘壠相望凋落徒悲於晚歲既而人事難尋俄成古今

野逕榛亂煙虛

疑墟作

草深歧路之黃埃不已桑榆之白

日空沉眷戀無窮誰識孤高之貌悲傷莫測空聞嘹唳

之音至若似帶烟霞情深恨賒遲迴而脩趾不動眇矚

而圓吭暫斜松檟蕭蕭遍是幽魂之宅蓬茅歷歷今為

誰氏之家少別層城長思故里似有求而不見若將飛

而未起住仙界之長日痛人寰之逝水念當時之親識
安問存亡窮累代之子孫莫言終始極目晴烟凝思悄
然別離而塵事不一倏忽而芳春且干那求飲啄自惡
腥膻歸處而雲空慘澹望中而封樹連延笑彼乘軒不
離乎金闕喜茲警露迥降於遼天已而卓爾無群超然
將翥思杳杳之空際戀亭亭之高處迴朱頂以長望疊
霜毛而永慮蓄恨無窮忽矯身而飛去

通首未見
一字官韻

紙鳶賦

唐 宋

代有遊童樂事求工飾素紙以成鳥象飛鳶之戾空翻
兮將度振沙之鷺杳兮空光漸陸之鴻抑之則有限縱
之則無窮動息乎絲綸之際行藏乎掌握之中其翰非
逸其羽乃疾弄輕影昂素質侔瑞鵲之臨河學靈鳥之
就日詭狀萬殊竒姿匪一衝激吹而頻驚入增前漢增城之增
塵而乍失及夫晚際蕭寥近日迢遙出虛景逼長霄艷
艷裔裔亭亭迢迢如片雪之初下似殘雲之欲銷何裕
如之囂囂紛攜茲而翫翫其上同綺翼之遷喬其下若

馴駟疑

之就喚虞羅獲免弦繳莫憚野鵠來

一作未

遷而

伴飛都人相視而指看歎乎升沈得勢真假相亂殊不
慙鸚鵡之被籠蒼鷹之受絆六鷁尚退于宋都大鵬猶
沈於海畔彼無識而無知亦曷足以見嗤但仰牽運不
能自為無仙鶴九臯之響乏晨雞五德之竒零落倏忽
悠揚暫時偕鴛鴦之侶入鳳凰之池向若勞力高風莫
吹安有望於寥廓必不出於藩籬且紙之所尚事有攸
往供筆陣之樂起詞華之賞故莫載於鳳文而反圖於

鷓鴣像因人而進爭路而長固不濟於時須欲屏之兮何
爽

第二

楊譽

相彼鳶矣亦飛戾天問何能爾風之力焉余因稽於造
物知不得於自然原其始也謀及小童徵諸哲匠蔡倫
造紙公輸獻狀理織篋以體成刷丹青而神王殷然而
髡彼羽翼邈爾而引夫圓吭膺繫織縷趾續長繩俯劇
駢之七達挂高臺之九層形全而和似鬪雞之養紀消

目大不覩若異鵠之在雕陵因所好而毛羽思有遇而
騫騰鄙宋都之退鷁慕溟海之搏鵬於是扇以扶搖縱
諸寥廓絢練倏閃翕赫忽霍瞬息而上千里咄嗟而遊
大漠翔鷲仰而不逮况青鳥之與黃雀彼都人士瞻竚
城隅初指中疑作冲天之鶴遠言拂日之鳥望有塵埃謂
翻形而載旆聽無音響疑避影以銜蘆始迴翔於元氣
終出入於高衢所以羽翮既成雲霄自致期上騰以奮
激何中路之顛墜力不培風勢將控地感魚龍之失水

義蚊蚋之附驥比畫虎之非真與窮狗之同棄寧待時
而畜力信因人以成事于嗟鳶兮適時與我兮相期知
我者使我飛浮不知我者謂我拘留啄腐鼠兮非所好
嘯第疑作茅棟兮增至愁才與不才且異能鳴之鴈適人
之適將同可狎之鷗我於風兮有待風於我兮何求幸
接飛廉之便因從汗漫之遊當一舉而萬里焉比夫榆
枋之與鷺鳩者哉

文苑英華卷一百三十八

欽定四庫全書

文苑英華卷一百三十九 宋 李昉等 編

蟲魚一

黑龍飲渭水賦一首 葉公好龍賦一首

漢武帝射蛟賦一首 窮魚賦一首

北溟有魚賦一首 魚躍龍門賦一首

魚登龍門一首

漢武帝遊昆明池見魚銜珠賦一首

烹小鮮賦二首

魚在藻賦一首

黑龍飲渭水賦

以出為漢祥下
飲渭水為韻

白居易

龍為四靈之長渭居

一作為

八水之一飲疊疊之清流浴

彬彬之玄質翻若

一作忽兮

下降賁然躍出首蜿蜒以涌煙

鱗錯落而點漆動而無悔爰作瑞於秦川應必有徵乃

效靈於漢日觀其攸止察其所為行箴不忒動靜有儀

睛眸炫耀文彩陸離下泉于馬表異守黑于以標奇

一作

躍于泉於馬表異守其黑所以標奇

不一徒爾異心有以

一作或隱或見時行時止

順

春秋而隱見隨晦明而行止

一作順於東下而無垂下
一作西應乎昏明而有以

於是稽大
易按前史

叶聖人之昌運飛而上天表王者之休徵見

一作

而飲水於是

一作

下長流

一作降
長川

俯高岸狀駢駢

以矯矯

一作氣點
點以黠黠

光燦燦而爛爛紫雲隨而瑞氣氤氳

白日照而文章炳煥

一無此
十六字

聞之者心駭而易色

一作
屏息

覩之者目眙

一作
眙

而改觀呼吸

二字一作
一呼一吸

而聲起風雷

宛轉

二字一作
或躍或騰

而勢超雲漢爾其矯首陸梁拖尾迴翔

蹈流鳴躍劈波騰驤

爾其至騰驤十八字一作觀夫莫智匪
常莫黑至祥契昌期於南面合正

色於北方施尾
廻翔劈波騰驥

飲清瀾之澹澹

一作浩

噴

一作動

素浪

一作波

之湯湯頓領

一作頷

而碎珠迸落奮髯而細雨飛揚龍水

族則

一作驚水府兮

鱣鮪奔走駭泉室則鼃

二字一作蛟

鼉伏藏信

可符帝王之度叶邦家之光表三秦之嘉瑞呈二漢之

徵祥

自信可至徵祥二十四字一作玄雲從而淺深一色白日照而左右交光

且夫

一作彼

順

氣

一作候時

出處憑虛上下度若

一作弱

水而斯馭知

一作去

昂

湖而是駕同張華

一作茂先

之飛劍見長房之竹

一作枝

化

豈若

此一字

炎精冥契水德潛稟黑質黠

三字一作玄甲臂

以凝

黛玄文斐以摘錦

一作文章
斐兮摘錦

逼而察也類天馬出水以

一作

遊遠而望之疑長虹截澗而飲既

一作已

而跨白雲

一作蒼天

騰

一作去

清渭排冥冥之寥廓度

一作反

浩浩之元

氣則知水物之靈鱗蟲之貴展

一作威

矣哉抑斯龍之所

謂

凡一作皆集本

葉公好龍賦

以所好非真見
而增懼為韻

張隨

惟彼龍兮潛水府翔天路何葉公之多尚獨神物之是

慕假手于繪對蜿蜒以好之其形在堂俄愴恍而反懼初

其終朝念茲寤寐求之嗟蔡氏之莫遇望雲津之遠而

載雕其宇爰寫其姿周屋壁環一有堦墀輝輝之章不

離其行坐矯矯之質常在於夢思至於春風啓序自暄

而暑則謂仰重陰而可竚雨歇一有雲收杳不知其處

所其求雖阻其志無沮及其寒律方凝自霜而冰則謂

窺瀟壑而可徵天高一有日朗空有見於泓澄其覩未

能其誠益增既而天縱疑作其欲物應其好龍乃拖其

從

尾而登其堂矯其首而窺其奧垂錦帶張翠鱗光流電
轉聲發雷振起雲而棟凝積氣乘水而庭若通津而况
於斯人得不撓其性而駭其真觸類而廣可明其徵唯
龍也世好之必歸唯士也國招之必依姑務乎辨真去
偽寧求乎似是而非故好龍而疑用古字
如之通何期真假無
變好士如之何在賢愚無眩蜿蜿之狀且逢子高之儀
堂堂之賢莫失哀公之眷勉矣凡今君子必審之於聞

見

漢武帝射蛟賦

以省括能中清
除水害為韻

獨孤授

有漢武帝惟時巡省窮楚之望極江之永舳艫塞川旗
甲蕩景洶洶旭旭虬蟠龍騁駐清蹕則洪波可遏赫皇
靈則潛怪可怛何彼蛟之夭矯據積水之空濶謂飲飛
之劍莫前滅明之璧是奪天子乃戒無譁於羽衛思有
用於弦括命舟收迴清翰清疑作青說苑鄂
君乘青翰之舟而止疑作
上
詔弓人奉烏號以登肅天儀以山立將親發以抗稜陰
察變態雄猜跨騰古冶之倫皆裂不敢擅其勇逢蒙之

黨技瘡不敢專其能我矢則直我弦斯控持蒲而英氣

頓

一作坐

飛命處而幽姿必心

一作心

中歛颯聽其電霍則頸

蹕而曾洞贊履者鼓殷天之雷稱慶者躍如熊之衆始

乎發若神兵爆其有聲洪波雪

一作雲

湧白羽月傾突紫

肉裂素纓餘怒蚴蟻上浮泓澄踣質已靡於巨艦流血

方走乎東瀛介以鱗莫得捍七札之勁神之化不能保

重泉之生萬靈震駭九派徐清然後海若扈蹕陽侯洗

兵山川肅其晏如雲霧廓其四除涉者利乎涉漁者安

乎漁於是左史趨進執簡以書曰天子幸尋陽也親射
蛟而獲諸遂翻龍旆韜象弭篙工奮棹歌起威勵乎斷
白蛇氣雄乎絙青兕隘秦皇之觀日追夏后之勤水且
夫君以勝殘為大臣以反德為害亦將制於殼中靜此
宇內俾貫革之藝息垂衣之道泰豈徒與射夫漁父校

勇而論害

前已押害字
韻疑當作最

窮魚賦

并序

盧照鄰

余曾有橫事被拘為群小所使將致之深議友人救護

得免竊感趙壹窮鳥之事遂作窮魚賦常思報德故冠
之篇首云

有一巨鱗東海波臣洗靜月浦涵丹錦津映紅蓮而得
性戲碧浪以全身宕而失水屆于陽瀕漁者觀焉乃具
竿索集朋黨鳧趨雀躍風馳電往競下任公之牻一作釣

爭陳豫且之網蝼蟻見而甘心獮獺聞而舐掌於是長
舌利觜曳綸垂鈎拖髻挫鬣撫背扼喉動搖不可騰躍
無由有懷纖潤寧望洪流大鵬過而哀之曰昔子為鯢

也與是遊乎自予羽化之子其孤俄撫翼而下負之而趨南浮七澤東汎五湖是魚也已相忘於江海而漁者猶悵望於泥塗

北溟有魚賦

以擊水三千搏風九萬為韻

獨孤授

次天地之量者海為之大首鱗介之雄者鯤靡有敵稟形徒恠其恢詭造物孰根乎朕迹慌北溟之安流考南華之遺跡好奇焉得以心駭乘理可同乎目擊且魚之狀有踰七日之尾而海之深蓋積八紘之水靜則高浪

為之中輟動則連山為之四起介一

二字疑行

鮮鱗俛首以

駿奔玄冥捉

疑作投

足而却視其有適也越孟諸之夕宿

其自縱也豈鹽田

海賦陸死鹽田

之陸死况風濤乍息空水相

涵橫巨鱗而海分為二赧雙目而日為之三涖淹地延

載回載旋嚇鯁則飛沫

疑作沫

成雨擊尾乃跳波盪天任

公之術靡措龍伯之力徒然生無以傷庸識其長久大

不可度莫知其幾千固非海若之所俟屬天雞之所犯

干不吞龍舟以作暴豈貪牛餌而自殘遵坎德以獨適

隨混元而變觀本所疑鱗而孰知終始化為鳥而何足

控搏一氣潛融飛沈以通刺天之髻拂日垂雲之翼從

風曜靈韜映

疑作映文選月賦長河韜映

以驟晦溟漲豁落而半空

方鼓怒於濔漾歛騰凌於鴻濛觀其羽之化也將飛風

之積也未厚六翩

疑作翩

之力相切萬流之波却走恐天

衢之不容顧水府其何有嗟鷺鳥之累百異亢龍之上

九彼龜鼉之穴處而釣絲或困彼鴻鵠之雲飛而網羅

纒遠曷若縱溟渤而搏扶搖其勢固以相萬

魚躍龍門賦

以揚髻鼓鱗掀
波直上為韻

元弼

彼龍門之津流水激射斷山嶙峋厥功彰於夏禹斯險
際乎蒼旻河源炳靈以峻極水族候時而荐臻副天用
也佇龍行兮驤首叅神選也同鯤化兮脫鱗徒觀其向
天倪辭水府望霄漢之九越泥沙之五來如及門出若
由戶雖懸波而千仞終作氣而一鼓我鬣既張彼川何
長仰雲路而抑揚終不息而自強我功既獎彼河徒廣
揖天衢而直上誠擇利而攸往變化伊何升沉亦多滌

洄曲渚泛灩長波背蛟室而大集指龍門而遠過至於
激厲果決乘陵險絕雖迅湍奔雷駭浪噴雪終瞬息而
上膺騰而撇揮其尾而不勞騁其力而不竭於是俄變
魚服條為龍姿志氣自負歲疑作靈自持豈同途於點

額寧較力於掀髻

一作

哉於戲道有行藏運有通塞天

資性靈神輔正直始有水而呀鯁忽升天而振翼然後
隨方受變千里一色風雲際會未始有極慕李膺之往
哲孰不願遊追老氏之玄蹤而其不測儻真宰之可仰

終進德於君門之側

魚登龍門賦

以躍白波入青雲為韻

苗秀

有客有客棲於草澤觀龍門壯禹跡目送跳沫千有餘
里心驚懸流千有餘尺氣濛濛而霧蒸聲隱隱而雷激
於是吞舟之倫吹濤將適奮泥沙而撥刺簸鬢鬣以投
擲鱗櫛比而映水星攢目瞳矐而中流月白翔疊浪凌
洪波當用一作取之勢疑既逞志而浩汗何往不可豈
失溜而蹉跎遂脫魚服入龍渦上既親於天水下不離

於龜鼉天吳旁昧而莫測其以馮夷愕眙而孰知其他
出彼處此載騰載躍違任公之釣餌遠漁父之矰繳昔
常未達伏艱難以如茲今則獲伸觀變化之何若既稟
受乎靈遂隱見乎形驚寥廓昇宵冥却訝泥蟠兔翻身
於尾赤旋驚意逸摩正色於天青然後知遊濠沉浮在
藻出入嗟所處之齷齪恨中區之於邑豈若一朝豹變
千古名立當天衢而翱翔近日域而呼吸懸水之人文
莫比赤鱗之巨鯉何及永無涸轍之憂寧有窮波之急

別有志士卓然不羣名嗟歲晚寢必夜分思拜手於丹
闕願獻賦於明君儻獲比魚而變龍必能行雨而吐雲

漢武帝遊昆明池見魚銜珠賦

以題為韻

王起

漢武帝出咸京遊昆明覲潛魚之躍吐靈珠之英珍不
藏川是獲媚川之色仁苟及物必能動物之誠先是撥
刺巨鱗傍畔水裔或詹何所中或任公所制利釣疑作鈎
貫鰓而錯落長絲縈岸而掣曳殘瘁不振沉浮未濟是

用脫其鋒解其綴索於枯肆初同患於波臣銜以圖書
終乃小於軒帝他日擇良辰鏡清流捨鑿輅登龍舟不
徐不疾以遨以遊於是傍臨桂棹遠映珠旒或御或垂
似驪龍之頷將吐若明若滅比瓊蚌之胎未收光芒稍
逼輝赫難儔實有意於豐報固一作無情於暗投含幽
育明轉煌煌於畫鷁振鬢掉尾時熠燿於牽牛既而千
官動色百辟咸覩且曰脩其文耀其武澤之廣恩之溥
雖彼池中之物亦懷天下之主報德而入於隨掌比類

蛇銜感

一作感

音而失於晉庭彼慙鶴舞况乎燭龍奮艷

石鯨獨吐泣鮫人之目固不可倫綴神女之軀曾何足

數由是儼天儀俯洪池映嶮喁而未出炫的礫而方施

然後得廉寸

韓詩外傳良珠度寸廉疑作度又文選魏都賦明珠魚寸疑作魚

之彩失

圓折之規則皎皎駒來自掩白狼之美翩翩離疑至徒

稱赤雀之竒是知人能叶博施物亦叶幽贊無煩罔象

之索詎假闌干之貫向若安其忍棄其難俾頌首長逝

劫灰永散安得此樂於江湖見託於河漢則玉殿之側

誰綴其玲瓏金輿之傍莫矜其照爛以言于魚也厥道
斯存以言于人也如何勿敦則受嘉惠蒙渥恩得不效
節於當代而垂名於後昆

烹小鮮賦

以理大國如
烹小鮮為韻

王起

有列疑者泉生乎小鮮將成登俎之美必求饜鼎之妍
惟烹也在於不撓惟魚也貴乎克全苟司味之有術諒
為政而則然若乃海曲蘆人江潭舟子厭頌首於蒲藻
得纖鱗於沼沚常窺澌澌漏於密網之中今則炎炎烹

於沸鼎之裏是以激之有度爛而足耻先明水火之

濟用契鹽梅之理然後合沓有聲沸騰以烹碎文弱質

萬品千名以脍脆之易懷

疑作壞

當洶湧之方驚觸之則

土崩可喻安可

疑作之

則錦質皆成蓋以小為貴在終和

且平乃加以薑桂雜以薪燎同露鑊之白遊東前箸而

不擾雖湯騰其內火烈其表惟自然於衆味終不亂於

羣小既薦尾而獲珍皆駢首而可曉向若爛之不恤撓

之是刺急舒無節乎中躁靜不放

疑

乎外自然成魚餒

而不食比水煩而不大空摧鱗而莫分寧去乙而知害
則知國喻乎鼎人喻乎魚魚之亂則烹以靜人之繁則
制以徐鼎中之咸若天下之安如鮮之烹也不撓人之
理兮作則將申老氏之戒用假庖人之職既不爽於和
羹幸有光於為國

第二

以理國之道有
如烹鮮為韻

李蟾

力刀之任庖人是司將修火以烹矣取小鮮而將之洵
洵之中似有躍泉之勢炎炎之上猶憐漏網之姿則無

復游小汜奮纖髻既逢鼎鑊之患永絕江湖之思其始也出彼清瀾委茲敝笱落細鱗於方寸之質煦微沫於

噉喙之口齊一指而未并事寸反而纔受驗星星

一作腥腥

之若無升鼎俎而何有瞻其沉浮若冰洶湧如驚不有

大觚

莊子大輒從車

奚假良庖之妙無容尺素何必呼兕以烹

是知將善其事亦叶于道若運動之不息則完全而莫保如或罷其紛紜任其顛倒則偶鹽梅之側宛若銜珠映莫疑蕭之中猶如在藻是知至人以魚小者國可喻

焉其化而敦夫德善其烹而委之火傳則味不慝道乃
全將成其心齊之化無貴乎獮祭之鮮且夫烹之煩而
魚必毀政之撓而為疑不理魚不以煩為貴人不以撓
為美反覆無極必為靡潰之道疑簡易不脩自作滋彰
之始是知求全者動不如靜務理者語不如默動之則
一鼎渾渾語之則萬人惑惑想澈澈之微質不可而求俾
浩浩之澆風無由自息今聖人任一意朝萬國蓋以體
玄元而得諸靜寰海而晏如豈徒以窮高極厚之內喻

之於一魚者哉


魚在藻賦

以潛泳水府形
諸雅什為韻

李夷亮

鴻鈞之代兮動植斯慶至德旁流兮潛魚在泳忻藻行
之是依美陰陽之克正載頌其首將同宴鎬之觀不脫
於泉自樂觀濠之性極浦風霽澄潭月虛鮮鱗繚繞聚
沫紆徐或在鮫人之室或過陵鯉之居蓮花東西信可
遊而可息文竿上下徒欲釣而求諸豈不以當在宥之
時處恬然之水乘灑灑之元氣得生生之至理大信波

及湛恩草靡無虞竭澤之災自保深泉之美伊玄風之
扇物物無細而不沾惟廣運之鋪時時或與之發潛



文苑英華卷一百三十九

欽定四庫全書

集部

文苑英華卷一百四十二

詳校官內閣學士臣瑞保

助教臣常循覆勘

總校官進士臣朱鈐

校對官編修臣秦泉

謄錄監生臣于希賢

欽定四庫全書

文苑英華卷一百四十

宋 李昉等 編

蟲魚二

南有嘉魚賦二首 羨魚賦二首

結網求魚賦一首 巨鼈冠靈山賦一首

鼃鼃為梁賦一首 釣鼈賦一首

寅月繫龜賦一首 蜃樓賦一首

蚌鷸相持賦一首 水母目鰕賦一首

南有嘉魚賦

以樂得賢者次用韻

楊諫

后非賢不乂魚非水不託賢豈晦以養蒙魚在藻而自樂故比事思理以徵以求如南有嘉魚是網是繳此所謂旌別淑慝愛人治國為鹽梅之器用作生靈之表則不然豈延故老於終南收釣翁於渭北張皇勲業者棄此曾未得我國家憂勞庶績寤寐求賢且東帛弋弋每布之於寰海豈矐苟罩罩獨烝然於巨川吳坂不遺於騏驥丙穴載詠於鱣鱣詩人格言必將興之於王國老氏遺戒不

可脫之於重泉所謂持竿執柄者未容易焉爰有深沉
叅對純嘏雖臨矰以及繳苟未高於天下徒噉喙於香
餌終夷猶於取捨儻鼎味之見珍其殺身於庖者

第二

同前韻

李蒙

惟帝王之應運孰無賢而能作雖道洽於唐虞尚翹翹
於林壑彼嘉魚之發興實思賢而共樂蓋一作念風俗之

盛衰以廢興為善惡惟魚在淵兮其跡惟深賢在野兮
其道惟默植忠信以自保俟休明而觀國屬王度之清

夷復何求而不得然後為衡為衝疑是倣是則成天下

之亶亶定衆人之惑惑國家化造往古政在求賢釣嘉

魚在丙穴得奇士於滋川

呂氏春秋呂望釣於滋川

故開闢之功作

之於我太平之人匪降自天余是以知玉帛之禮至矣
嘉魚之詩大焉若乃日旰而食思彼賢者念茲在茲誰
與天下心不忘於寢處足流詠於風雅斯蓋嘉魚之義
故可得而述也

羨魚賦

王起

客有羨魚者立河壩俯臨泉窺綠藻瞰紅蓮彈鋏之歌
逾切觀濠之意彌堅則有頰尾殊品紫鱗異質或依蒲
而自娛或擁芡而爭出揚鬢奮鬣已見其由戢尾貫鰓
未知其術是用乘良辰守通津望噲喁而注目矚澆滯
以勞神乃嘆曰深不測者水藏諸水者鱗營之何及獲
之何因彼不脫於泉徒求於泉下彼不蕩於水奚求於
水濱喪志而退問於漁人漁人曰噫子過矣君子謀不
失利動必合理禽之中也先夫矰繳獸之獲也資乎弓

矢夫吾子坐金堤降玉趾

疑作趾

無留而窺其發發無筭

而思其唯唯此所謂自包其羞不求諸已向若有具施之於水則和羹可待食肉茲始不為緣木之難自叶忘筌之美斯言富哉感激而回求詹公之術盡任子之才器必備藝咸該將中否之不惑希取捨之無猜羨之可以已也是以結網而復來

第二

并序

敬 枯

閏正月旬有八日李崔二侯命余于邑之南澗以求魚

也洎至止人鮮力微網則虛設遂無所獲願莫我從且
漁者卑事非其人猶不可力行特取豈容易哉因貽賦
云

南有澗兮湜湜其流北有人兮溫溫寡侔涉春水兮以
遨以遊羨嘉魚兮載沉載浮且人以功為志魚以水為
利功高則其事易成水深則其魚易致况我網孔張我
心匪臧網無及則魚以遐遁魚已遁而人猶未忘亦何
異驅倚市者就戰俾善駕者持航雖終朝而筋骨之勞

備盡徒悉力而尺寸之功不揚振振者李胡為乎至此
平陸不可以行舟干將不可以補履歸止歸止振振者
崔胡為乎忽來過屠之爵何益臨川之羨空迴歸哉歸
哉

結網求魚賦

以臨川羨魚未
若結網為韻

王起

網則結緒魚方躍泉其結也踈而不失其躍也瞻之在
前一縱一橫既克張於萬目無小無大亦何逃於百川
是以揚鬣振鬣噴沫飛涎初同求於發筭終取義於忘

筌於是當巧孜孜抗精

上林賦抗士卒之精

屑屑細緝絲泉解紛

結絕想江湖之相忘遂網維之備設搖頰尾以游泳爾

不厭深運素手以續紛我思善結俾晝作夜日居月諸

成茲密網念彼嘉魚庖犧之舊制無改良畧之新規有

餘獻鮮橐之時茲為謀始烹釜鬲

疑作鬲

之日此乃厥初

且夫注目劬勞甘心健美於結網兮何有徒噉喙而可

見金盤既設無霍霍以霏霏錦質乍窺徒赫赫而戰戰

孰若氣奪九戩網殊一面始結繩而爰設終在藻而咸

薦踈密由已卷舒從心此紛紛而不紊彼潑潑而方禽
亦何必不網而為子釣斷罟而諫君臨其動則終疑其
力不費事有類於組織志未殊於經緯薦尾安在提網
尚未想飛鴻而則羅曷游魚兮不畏向若臨河廣恣心
賞隨揭厲之淺深當鱗甲之來往出彼赫鯢亦同反掌
營鱸鮪方同濺濺之施罟禁鯢鮪豈比恢恢之漏網則
知無其備者其功略有其具者其利博此不憊其經營
彼無逃於潛躍夫然觸類斯長緣情可託結詩書而為

網網則有條驅爵祿而為魚魚兮咸若吾所以考先賢
之微言悟臨川之妄作

巨鼇冠靈山賦

以滄溟之上神
化不測為韻

楊 濤

海環四方東為之滄有巨鼇兮其大無極載仙山兮其
力難量是山也根無附麗彼鼇也勢則騰驤積浪淪漣
拖其身而歛以動蕩攢峰迴互加於首而隨以低昂豈
不以稟茲魁大舉其峻極當一動一息之際見翻海迴
山之力延頸而羣嶺騰青聳身而半天映黑徵物象之

無比見神用之罕測亘橫天極地之質邈爾形標冠蓬
萊方丈之尊輕如首飾然則神岳之高兮莫知大鼇之
壯兮若茲視鷗鵬如纖芥比嵩華於毫釐欽崙之容初
結根於無地突兀之狀終冠首於此時舉其大吞舟不
足稱也喻於小戴勝有以似之觀其轉峰巒偃波浪萬
派沸渭特立放曠荷至重而匪重見大壯之用壯風水
之運巋負而上摩天垠丘山可勝嶮崒而高標海上蓬
臺之靈神仙之扁獨冠峒亭橫截滄溟莫究其廣大之

形谿谷陵阜嶮崑紛紜仰戴於首無可無不可疑乃與
夫天地相久者哉茲嶺磅礴隨流混淪聳切雲之高且
知其抗首鼓翻波之勢想見其側身順時而或踴或躍
推理而乃聖乃神比愚公之移有異想龍伯之釣無因
茲可謂氣冠溷瀾力疑均造化則鼇之載山也以地載
疑之力相亞

鼇鼉為梁賦

以王師遠征水
族冥感為韻

王起

周穆窮轍跡之所經駕鼇鼉而咸疑

作感

靈所以濟浩汗

所以通杳冥蝮蝮蜿蜿以代造舟之利匪彫匪刻皆連
外國之形諒人力之不勦信神功而永寧當其師旅闐
闐旌旗肅肅臨九江而澶汗駐八駿而誇疑作跼望既

濟於未濟終歎無梁思載沉而載浮孰能剡木得不乞
靈於水府假道於介族則鼃也不得而深藏鼃也不得
而潛伏既而擘波有聲異狀可驚出層潭而櫛比駕飛
浪而砥平連足俄維比浮柱之初立鏤甲迭映同板築
之相成齊首而繩墨勿用曳尾而規模自呈其利惟博

其安無傾殊滄海之龜構異銀河而鵲征彼詭類之可
覽實至誠之所感假鼎負以臨深託盤跚而習坎其勢
邈迤其狀叅差無遠不屆惟危具持照赫變之五刃度
張皇之六師乘以周旋且異琴高之鯉載於沉溺還符
毛寶之龜漁者徒驚工人有耻同眾共羅而罔及畫鷁
雄虹而莫擬題之不可殊長卿之見書抱之則難謝尾
生之沉水是知伐鼉以冒鼓其用匪良解龜而染指其
謀匪臧孰若奮功於舟楫感聖於君王昔在深泉懼屑

沒於其穴今符至德忽結構而成梁固蹂躪而無害將
騰躍而有光我皇仁洽道豐文脩武偃要荒畢服淳離
斯返何必驅鼉而駕龜勞師而習疑遠

釣鼉賦

以一舉而連
六鼉為韻

張友正

東海有三山山有六巨鼉鼉則偃蹇以戴山下橫乎大
壑山則穹崇以壓海迥出乎洪濤晒鯨鯢兮瑣細視嵩
華兮秋毫此則鼉之所以為大山之所以為高乃有龍
伯之國巨人攸處謂天生之神物可以充乎鼎俎壯圖

方啓高足云舉曾移十步之餘已奄五山之所於是載
揭長竿別疑綸巨緇俯滄溟其流如帶垂芳餌有肉如
坻既投之以潛下果食之而不疑其肉未入於口而鈎
已貫於頤爭心既憤勇氣相持崩騰渤澥磅礴夷蹴
天柱裂地維地雖廣兮振矣天雖高而殆而欲出不出
騰躍非一萬川倒流八氣旁溢血吞瓊田之草波陷鮫
人之室輕共工之觸山小夸父之逐日豈長蛇趨閭風
之足數大鵬徙天池而可匹爾其駭百神奔萬族波臣

蕩而失水海若逝而登陸以鼈之靈憑帝之福謂優游以無窮何瞬息而連六猶將灼其骨豈惟離其肉予以

洎

釋文洎肉汁說文洎灌釜或疑作相烹也

之幾竭東海之水予以燔之足

盡南山之木羣仙於焉以墊溺三山由是而淪覆且山

之俄

疑

然若與天連鼈以首戴之里數不知其幾千彼

大人兮併之於背負之而顛斯其為大也胡可得言而

稱天

天字疑

恃其人人有所不及恃於力力有所不全若

使以陰陽為網以道德為筌以信智為機於其上以仁

義為餌於其前則所為獲物者其為鼈也大焉

寅月爨龜賦

以擇茲上春虔俟明火為韻

王起

國家謹時以授人敬卜以事神每殺牲以獻歲用爨龜於孟春法於天不失建寅之正位塗以血而昏祀骨之至珍是尊是奉必躬必親周官之規不爽呂氏之令惟

新時也斗柄潛移葭灰稍暢簾

一作葦周禮雖有葦氏掌卜又有簾人凡國大

事先簾後卜下文云占有待宜兩存之者也

氏之占有待龜人之職無曠由

是發巾笥之下於廟堂之上乾乾兮捧九江之殊形翼

翼兮出十朋之異狀然後封牲來思流血注茲映乎顏
則渥丹初啓運乎手則研朱乍施所以布幽全之物於
枯槁之姿必勾芒之用事俾僂句之不欺負圖之處既
占獻兆之求心果迫而察也異太史之定墨遠而望焉
謂卜師之揚火物以好生為德我則鑽而堅物以受污
為累我方告其虔不僭寧同於居蔡見珍皆得於巢蓮
閱山澤之形紛其惟錯染青黑之緣赫以相鮮木德式
臨官占有俟幽贊先知道啓迪從長之美豈比夫楚

軍鼉鼓虐執蹶由齊國鯨鍾仁稱孟子且車甲之釁也
所以交於神明孰若考元吉謀永貞候青陽之辰是儀
是準設朱殷之色必信必誠用能稽大疑決碩畫罔積
中而致毀咸著下以慎擇既釁之而有徵願保之而無
釁

蜃樓賦

以海旁蜃氣
象樓臺為韻

王起

伊浩汗之鵬壑有宥堯之蜃樓不因材而結構自以氣
而飛浮闕然無朕赫矣難儔出彼波濤必麗天以成

象化為軒楹

疑

寧假日以銷憂足以掩鼇山於別島漏

一作

蛟室於懸流若乃霧歇煙銷雲歸月

一作天

朗千里

目極八紘心賞惟錯之類咸伏陽侯之波無響於是吐

氛氳騰泱泱隱隱迥出亭亭直上乍明乍滅舒渤澥而

新鮮若合若離結麗譙而博

一作傳

敞雖舟子來萃國工

是仰莫不驚天地之赫靈覩井幹而成象赫奕奕而有

光紛郁郁而難詳影臨貝闕彩曳虹梁比繩墨之曲直

如規矩之圓方岳岳之仙乍窺于天表盈盈之女且愧

於路傍八竄未工百尺非峻伴祥煙於巨浸雜佳氣於
重潤仰層構之如翬必巨川之化蜃大壯真立全模洞
開吐嗽而侔華宇呼吸而象瑰材翔鷗拂而不散賀燕
往而復來依稀碧落想像瑤臺旁輝日域下瑩珠胎比
落星之流點綴疑明月之照徘徊則知霞駁雲蔚有壯
麗之貴棟折椽崩無壓覆之畏既變態於倏忽亦憑虛
而髣髴豈比夫鼎居汾水皭皭以騰文劍在豐城雄
而增氣方今聖功不宰海物咸在固知吐為樓閣以

全其軀豈爭彼魚鹽弗加於海

蚌鷸相持賦

以洛城風
日為韻

郝昂

水濱父老以漁弋為事常持釣緝荷矰繳旦浮溼澗晚
沂伊洛亂平淑之磷磷步清流之鑿鑿匪畋魚以為務
將釣國而為託異戕一作天忽而害生特自斃而方搏亦
猶守兔者目注於盧犬救疑彈者志在於黃雀斬長鯨
而四海晏如得巨魚而千里饜若夫一舉而擒兩固
功全而利博同不狩而獲多齊不耕而自穫訝彼老蚌

含胎孕明鵠是翔禽

一作禽是翔鵠

翼迅體輕或依岸而開合

或遵渚以飛鳴既相遇於茲地亦相殘於此生鵠以利
觜為鈿齔蚌以外骨為堅城鵠以蚌為腐肉可取蚌以
鵠為微禽可營鵠曰今日不雨必剗蚌之腹蚌曰明日
不出必喪鵠之精並相持而坎難俱莫知其困并彼漁
父聞而造曰危哉二蟲吾見爾命之將絕吾知爾力之
已窮胡不潛泳於深水胡不乘高一作陵於大風何故枯
骸於波際何故落翮於沙中乃携以俱歸釋此雙疾利

其美用取其形質鵠有羽兮彩映華冠蚌有珠兮光照
巨室雖假物類以為用誠亦辨說之良術莊生寓語於
前古是用廣之於今日

水母目鰕賦

以有相須而後濟者為韻

楊濤

物有相感動無不濟嗟水母之不明假鰕目以能睨
因依倚以自警當行止而有制荷茲眇睽非唯一目之
所加遊彼波瀾固亦兩心之潛契生雖異稟趣則同途
託清明之餘照遵茫昧之微軀誠有利於攸往胡可去

其斯須唯暗

一作音

是投唯明是假彼動容而有類此轉

盼而奚捨乍若蒙駒之未視從彼母兮又似瞽人之將

行待彼相者備察察於清矐

二字見楊雄傳

之際共悠悠於碧

波之下俾其誠以明之是同我之身也斯則目非獨見
用必更相形質既資於自晦視瞻每比於偷光分水類
之餘晴每能瞿瞿遊泉室而有路曾不俵俵雖則視之
不見終似闇然而章豈不以水母為名鰕居於首委雙
眸而不恡當四望之能久處浩浩之無際瞻之在前俾

冥冥之有知不曰我後由是審利害之所宜俾出處之
從時合之則昭然發蒙固無隱也離之則寂爾無覩豈
不默而既精誠之是達在終始以相持我無爾虞一作
恒司明以不替而一作為我目其在暗而無疑則知明
不自守昧者為偶物有察而應心功有踰於假手是同
久要之道曾不吾欺每思一盼之恩慙非已有

文苑英華卷一百四十

欽定四庫全書

文苑英華卷一百四十一 宋 李昉等 編

蟲魚三

螢火賦一首

水螢賦一首

腐草為螢賦一首

蟬賦一首

聽早蟬賦一首

蜩甲賦一首

病僂丈人承蜩賦一首 蟬蛻賦二首

螢火賦

并序

駱賓王

余徼以明時久遭幽絜見一葉之已落知四運之將終
悽然客之為心乎悲哉秋之為氣也光陰無幾時事如
何大塊是勞生之機小智非周身之務一作防嗟乎緜袍

匪舊白首如新誰明公治之非孰辨臧倉之愬是用中

宵而作達旦不瞑覩茲

一有螢之自明哀

此字

覆盆之

難照夫類同而心異者龍蹲歸而宋樹伐質殊而聲合
者魚形出而吳石鳴苟有會於精靈夫何患於異類况
乘時而變含氣而生雖造化之萬殊亦昆蚊一作之一

物應節不愆信也與物不競仁也逢昏不昧智也避日不明義也臨危不懼勇也事沿情而動興理因物而多懷感而賦之聊以自廣云耳

伊玄功之播氣有丹鳥之賦象順陰陽以亭毒資變化而涵養每寒潛而暑出

一作至

若知來而藏往既發揮而

外融亦含光而內朗若夫小暑南收大火西流林塘改夏雲物迎秋或凌虛而赴遠乍排叢而出幽均火色

一作齊

之宵映如夜光之暗投逝將歸而未返忽欲去而中

留入槐榆而焰發若改燧而環周繞堂皇而影遍疑秉

燭以嬉遊點綴懸珠之網隱映落星之樓乍滅乍興或

聚或散居無定所習無常翫曳景一作影周流飄光凌亂

泛灑乎池沼徘徊乎林岸狀火井之沉熒左思蜀都賦火井沉熒一

本作騰熒似明珠之出漢值衝飈而不烈逢靈雨而逾煥焰

灼兮若湛盧之夜飛的皪兮象招搖之夕爛照重陰於

已昏與夜燎而相炫共燭火而焉一作齊息避太陽於始

旦爾其光不周物明以一作足自資偶仙鼠而伺夜謝飛

蛾而

一作對
飛蛾之

赴嬉

疑作
嬉

類君子之有道入暗室而不欺

同至人之無迹懷明義以應時處幽不昧居照斯晦隨

隱顯而動息候昏明以進退委性命兮幽玄任物理兮

推遷化腐木而含彩集枯草而藏煙不貪熱而苟進每

和光而曲全豈

知一作
如

鎔金而自鑠寧學膏火而相煎

陋蟬蛸而

一作
之

習蛻怵螻蟻之慕羶匪傷蜉蝣之夕不

羨龜鶴之年槍榆飛而控地搏扶起而垂天雖小大之

殊品豈逍遙之異筌夫何化之斯化無使然而自然若

乃有來斯通無去一作往不至排朱門而獨遠昇青雲而

自致匪偷光於隣壁寧假暉於陽燧終徇己以效能靡

因人以成事物有感而情動迹或均而行心一作異響必

應之於同聲道一作物固求之於同類始未明其一作而趣

捨終一作庸詎識其指意子尚不知魚水一無此字之為樂吾

又安一作庸字知螢火一無此字之所利明兮能遷變兮無窮一作

高明兮有融變遷兮無窮哀牛一作牛倏而化贊羽泉忽兮生熊血千

年兮藏碧火一作魂一變兮成虹知戰場之化一作有燐悟

寃獄之為蟲彼翩翩之弱質

一作彼翻
飛之弱質

尚矯翼而凌空

何微生之多躋獨宛頸以觸籠異壁

一作壁

光之照廡同

劍影之埋豐觀道迷而可復庶鑒幽而或通覽年華以

自照顧形影而相弔感秋夕之殷憂慙

一作慙

宵行之熠

耀熠耀飛兮絕復連殷憂積兮明自

一作且

煎見流光之

不息愴驚魂之屢遷如過隙兮已矣

三字一作
之已來

同奔電

兮忽焉儻餘輝之可照庶寒灰之重然

水螢賦

李子卿

水螢惟蟲惟蟲能天彼何為而化草此何事而居泉腹
可自持故無取於蟹足能自運亦曷憐於蛇其形也蠢
耳其光也炯然色動波間狀珠還於合浦影懸潭下若
星聚於潁川明不可以並時故當晝而潛曜暗不可以
同德故候夜而開照近而察之若海底之陰火遠而望
也辟山邊之寒燎潜伏類於全真無故疑作均於觀妙
質未為用自脫豫且之網餌且不貪高視任公之釣徒
觀夫因坎而止墮萍則流任晦明而隱見與風水而沉

浮自得井蛙之樂何虞轍鮒之憂儻欲觀書固不惜於
餘照如將案劍非有意於暗投火為象兮取於時而去
其熱水為宅兮質其潤而得其潔且混迹於泥沙詎等
夷於魚鼈同至人之樂道類君子之甘節覽於心乃止
水之常淨燭於物靡傳薪之無絕由此而言覺吾道之
滅裂

腐草為螢賦

以積腐有光可
名為螢為韻

陳章

厭浥敗草霏微夜螢若受天之明命能在地以成形始

爛然於朽壤俄蠢爾於荒庭形質甚微異囊中之點點
本根既朽想河畔之青青彼若昧而未彰此如茨而久
積始前衰而委化終後顯而可覲寂然不動應大暑於
茲時默爾而成颺溫風於永夕徒觀夫從微至著出死
入生幾變青袍之色漸加丹鳥之名匪我憊期故分形
於夜朗自他有耀因易貌而宵行故得脫陳根騰宿莽
質化幽藹氣非腥腐無聲無臭同朽葦之成蛩有顯有
微殊積穀之為蠱小明必俟其時變待闇稍觀其類聚

並桃蠱

疑作蟲

而映彼中林齊藿蠋而光於舊圃始則退

藏終能發揚詎蒙籠於階砌初炳耀於池塘豈比膏腴
之地多依糞土之墻每遲留於三時不憊于候既生成
於六月必見其光徒有異於升沉信莫分於彼我得賦
象而自出故非時而不可晶熒乍起訝林際之無煙的
皦漸生疑池中之有火隕霜殺兮自晦零雨被兮增萎
考書文之小大咸若載月令而遠近相隨始經黃落之
餘三年不化既及朱明之節一日可為農夫之務既停

雍氏之芟已久飛光兮倏爾而至向晦兮於何不有斯
所以成武子之能勤冀聚之於書牖

蟬賦

馬吉甫

鶉星兮御夏鳴鳴兮登序日月驟而運長羸陰陽爭而
催小暑詢求縱賞之地枚卜追涼之處尋川徑而棲遲
頓林庭而延佇則有應律初蟬含生自然其聲嘒嘒其
翼翩翩參萬物之動植隨四序之迴旋避啼鷺於春後
伴鳴蛩於秋前廉而有德靜而無累逸豫攸安沉吟斯

慰體素質而標儉養清心而拔萃食不求粒雖黍稷而
非珍棲不擇林縱梧桐而何貴暨夫三危露結四野雲
平蒼茫日暮爽朗天明託高枝以庇影竄密葉以流聲
匝地臺之響亮洞巖壑之清泠羣吟則少懼孤引則多
驚時行時止有虧有盈疑紡絡之雙至似蕭韶之九成
避雀飛急迎風翅輕飾鬢裁新樣圖冠有舊名雖屈螳
娘之斧終齊鵬鷄之情若乃平子歸田仲長就第新開
泉石之賞俯洽琴歌之契莫不應促軫而方遠赴調絃

而轉麗繁音進進

一作相

顧白雪而難酬逸韻爭馳對薰

風而莫繼足使牧子興感雍門下涕降翔鶴於雲端出
潛魚於水際復有沙塞征夫山川遊子風蕭蕭兮八九
月路悠悠兮千萬里坐聽霜鴈自無聊復對寒蟬怨何
已望鄉關而思積撫搖落而愁起悲深嘶馬之初淚斷
啼猿之始觸類多感於何不傷伊茲蟲之非陋識君子
之行藏其立志也不慕於鴻鵠其守分也不越於榆枋
任朝夕之棲處極天地之翱翔適其性韜其光豈比飛

鷺之巢幕流螢之聚囊至如入檻愁猿觸籠窮鳥繫透
水之幽志屈凌雲之遐矯豈無故而嬰羅諒有求而自
擾聊息心於萬事放寓跡於一枝澹然兮自守千秋兮
若斯

聽早蟬賦

以吸風飲
露為韻

蕭頴士

清商兮暮急白露兮朝濕伊寒蟬之早聞知涼風之初
入散亂搖颺脩寥歛吸前聲未盡後響仍及邇層檐而
驚歸向茂樹而遙集足令志士傷惋征夫佇立動閨人

之夜悲垂塞客之秋泣况乎日晏天空晴景微風命傳
嘯侶乍西或東既更鳴而迭息亦處異而音同催渡漢
之離鴈伴橫堦之思蛩空庭暖其已寂遐路杳而難窮
伊蝸蟾之至細王侯毒一作而猶稟體孤高而自適候
時節而斯審其處也敦兮若樸乃蝸蟾而未化其出也
道之將行必沆瀣而方飲豈徒爾雅辯其名體詩人詠
夫章句味編本草之錄聲徹上林之賦歌郾宰之化偶
范綏而見稱飾趙王之冠與貂尾而胥附莊篇載痾僂

之志孔氏感螳螂之捕苟動靜不爽飛鳴有度因依密
葉蕭散凝露韜餘陰於歲晚等羣蟄於時暮茲括囊而
用吉又曾何鳥雀之能喻

蝮甲賦

以似之而非為韻

魏 焘

精氣為物物必有依遊魂為變變亦有歸蝮者精氣所
聚甲者遊魂以飛功存造化理暗疑幽微察形如在責
實而非觀乎離隱出穴先號後喜或附枯枝或映深水
揮幽跼伏臨危聳峙致身勞苦不獨附贅懸疣動足艱

難何殊駢拇枝指上懼於雀下憂於蟻情有感於仁人

一作情有感之於人事不可乎以已效神仙尸解之術得龍蛇變

化之理雖欲全生且同半死既折既齟如動如止一體
區分雙形酷似高冠而立睥目而視莫躁其心能靜諸
已飲露則躍翻風忽起再生之命蠢焉不存之皮朽矣
覩遺跡於棄甲想能鳴之在耳空披腹心徒伏泥滓其
內也既等混沌之無竅其外也何患螻蛄之利嘴與繪
事而均功齊木偶之所擬昔則如羹如沸孰能聽之今

則不飲不食何憂餒而數往有分途窮有時雖滅天理
尚存幽姿已脫輕翼猶帶懸縷有象受服者解褐衣而
去又同適越者棄章甫於茲既逍遙以脫屣非薑芥以
僵屍其靈託焉蘧廬可以設喻其質去矣魍魎曷足措
詞文非變虎殼等枯龜莫懷爾詐仍謂我欺心通者不
惑性殊者猶疑君徒見僵仆塊然而無用曾不知脫身
輕舉而莫追

病僂丈人承蜩賦

高 郢

巧乎道者承蜩之叟蜩擇木兮有翼叟持竿兮在手物
我相絕嗜欲靡同彼不飛兮焉待此將掇兮何工丈人
曰我有道也初五六日累丸為術槁木其臂朽株其質
不墜者二則失之錙銖不墜者三則失之十一既累五
而咸若寧絕四而無必由是步平地之上入深林之下
耳目俱營心手相假葉空密而皆見枝雖繁而不捨豈
伊拾芥將同注瓦或挾三而兼兩或指多而就寡期於
百中則啼猿之射乎曾不子遺殊慕鴻之弋者彼飲露

為事蛻殼有期顧非鼎俎之實尚何彈射之疑庸詎知
絕俗猶累凌虛亦危以無用之質遇有求之時始則長
鳴聲嘒啖而中絕方將一舉翅蕭條而半垂豈獲戾於
不食而構患於有綏且觴深操舟大馬捶鈎三十仞磨
崖不溺十九年肯綮皆游徒聞其事未見其憂豈知天
覆地載四荒八極不以萬物易蜩之智不以萬物易蜩
之翼惟精惟一無反無側用志凝神何求而不得若以
叟為臣以蜩為賊亂繩斯理背陣斯克一言以蔽可詳

周公之風一矢可加何遠蠻夷之域螳螂之捕兮信劣

黃雀在後兮安得至哉丈人功並孫息

說苑晉靈公造九成之臺孫息

以累十二棊加九鷄子為諷

蟬蛻賦

以一體區分雙形酷似為韻

左 牢

物之化兮則多蟬之類兮唯一棄捐無用之甲振奮有聲之質彼則曲拳擊跽附麗脩條此則遠害全身飛鳴永日當其閒園向蛻輕吹無聞衝孔之異狀初出寓物之雙形欲分暗入幽叢上織莖而繞繚時搖殘萼散芳

氣之氤氳于以警素秋于以戒炎酷進退如懼攀援欲
速兢兢而恐墜微躬步步而竟升高木來能應候禍豈
避於剗腸去乃乘時智終期於剖腹煙月思寡懸垂勢
孤以抱膏肓之疾待成胡越之區拳跼而投足既定蹙
縮而脫身是圖漸呀然而甲拆俄豁爾而形殊前程而
遠寄園林如矜得路下視而若遺枯朽孰肯守株由是
乍舉輕躬初留具體薄翼而朝陽始照玄綫而宿露新
洗纔發響於林下已傳聲於澗底驗形有二責實無雙

啾啾而送恨蓬戶嘒嘒而添愁
瑣窓吟遠樹於荒郊思盈秋
野噪寒花於別浦韻遶晴江
則知造化之旨難窮其理何
末異而本同何一生而一死
其死信不自以為辱其生信
不自以為美能彼我而兩忘
則榮枯而相似別有甘穴居
於聖代期羽化於天庭久羨
出身之術多慙負贅之形高
枝尚遠短景難停儻遭逢於
此夜冀音響之堪聽

第二

以變化逢時飛鳴有日為韻

李遠

勿謂乎蟬之至微能變化以知機因挺質以竦拔遂脫
身而奮飛餘殼連拳抱綠葉而猶在新聲響亮噪清風
而不歸原夫深穴初開空庭始夜步凌兢而微進形磊
砢而將化託身而去上風篁投迹而來緣月榭履險微
駐愁危却下纖枝不定懼裊裊以頻移弱蔓難窮騰搖
搖而盡亞於是輕軀暫息一足才容時驚鬪鼠乍怯鳴
蛩跼促而初安利爪遂巡而欲改前蹤想黃雀之饑腸
先憂見捕念螳螂之怒臂預恐相逢已而跣踏拳形窮

疑作

隆奮質既罅發而微斷若苞開而漸出擘肌分理

有謝於昔時露膽披肝請從於今日騰超稍異竦擢如

驚新綏薄

疑

嫩舊翼羅輕觀腋分之折裂訝脉散之縱

橫嗟累卵之勢危方求上達歎含風之力寡未敢先鳴

及夫據嶮形柔拏空服戰方疑乎螭屈終類於龍變洞

曾達腋玲瓏而素甲皆虛潔已全身輝赫而玄光已遍

俄分曙色似遇良時便有臨空之意還生去故之悲嘒

嘒而頻遷碧樹淒淒而若紡寒絲響達晴雲傳楚岸之

風遠聲催晚景怨陶家之柳衰至若委蛻難留冲虛已
久體將泰而是望皮不存而何有儻假一枝願飛聲而
不朽

文苑英華卷一百四十一

欽定四庫全書

文苑英華卷一百四十二 宋 李昉等 編

蟲魚四

蚯蚓賦一首

蟾蜍賦一首

尺蠖賦一首

蝸牛賦一首

聽秋蟲賦一首

蜘蛛賦二首

蒲盧賦一首

燈蛾賦二首

螳螂拒轍賦一首

蟄蟲始振賦一首

蟋蟀鳴西堂賦一首

蚍蜉賦一首

蚯蚓賦

東方虬

惟陰陽之播氣寔萬類以呈形有微蟲之稟質應甲子而濕生雨欲垂而乃見暑既至而先鳴乍逶迤而鱗屈或宛轉而蛇行內乏筋骨外無手足任性行止物擊便曲徒進退而皓首竟不知其所欲東西詰屈南北夤緣上食塵塊下飲淵泉應軒轅土德之王入蔡邕勸學之篇其體甚微其用至專墮泥塗以自保觸鹽滋而罔全

豈造化之賦命信歸之於自然

蟾蜍賦

觀夫天地之道轉萬物以自然鱗蟲之衆有蟾蜍而可
稱焉鳥吾知其擇木魚吾知其居泉此皆嬰刀俎以生
患而我獨沉冥而得全爾其文章睨目銳頭皤腹本無
牙齒之用寧懼鷹鷂之逐或處于泉或漸于陸常不離
於跬步亦何擇於栖宿當夫流潦初溢陰霖未晴乘清
秋之涼夜放響耳之繁聲頌洞雷殷混萬籟而為一喧

馘鼓怒怛異類以相驚既莫知其所止故乃時逢則鳴
觀其忘機似智稱善不伐進而無悔耻魚之曝鰓退亦
能謀笑龜之灼骨方將樂彼泥中與井底安能出夫河
長與海濶稱其異則畫地成川謂其神則登天入月豈
直窪坳之內而見其浮沒意茲蟾蜍匪陋攸居沼沚之
毛恣涵泳之無數蘋藻之菜兼糗糧而有餘方其鳴孔
公若聞于鼓吹當其怒越子反駐乎乘輿彼龍蛇之蟄
也吾不知其所如

尺蠖賦

六氣氤氳四時平分天道恍惚是生萬物化而為鳥兮
有鳴鳳之來儀化而為蟲兮有尺蠖之能屈原夫蠖之
為生也不飲不食非榮非利無欲近道處身似智幸稟
天地之生亦承雲雨之施晒搏擊而爭疾輕爪牙而自
致其勇也不怯雷霆之聲其慎也寧勞鷹隼之鷙浩然
無悶之境獨處不爭之地多其順時而出就暖而長吐
微絲以逍遙蹙緩步而來往當靜泉澄遇躁風興屈伸

進退翼翼繩繩同吹萬而生養體抱一以含宏聖人書
之以作誠君子行之而足徵况不才之下士敢求伸以
自矜

蝸牛賦

并序

馬吉甫

甲辰歲夏五月余寓居官舍時雨初止有蝸牛蠢蠢緣
堂砌而上恐致踐履之禍因命稚子移於墻陰乃潛角
縮殼而有自衛之意退為賦云

蕤賓仲月逆旅孤亭薄宦春罷閨門晝扃雲漫漫兮雨

冥冥荷葉紅兮苔蘚青卷陰風於北幌閒疑皓月於南

櫺觀蝸牛之蕃育何詭錯之殊形若乃順陰而起背陽

而化黃緣於草木縈委於臺榭傍庭廡以徐迴循墻隅

而亂下織角內奮寧交觸氏之兵堅殼外圖疑終結野

人之舍闕爪牙兮自達無羽翼兮相借本忘情於蚌守

亦何憚於鵠嚇故其投迹多閒冥心寡欲進不奔競退

非飲啄吸大道之淳精體中庸之止足匪徇一作物而

天疑悔恒居沖而守樸昇清流兮不為寵頓黃汗兮不

為辱豈螺識之可量何蛻量疑之能較借如海蛤無脛
江龜有靈懷珠胎以自伐韜玉兆以先形螻之捕也後
黃雀而寧懼魚之貪也前翠竿而不驚觀萬夫而恕已
會千載而作程乃知無用之為用求生而喪生

聽秋蟲賦

李子卿

時不與兮歲不留一葉落兮天地秋况白露之夜遙聽
陰蟲之啾啾且鳴因夜急思以秋苦始趨趨而緣堦轉
嚶嚶而入戶輕颺颺而韻合殘溜冷而響聚隴水咽而

應然峽猿啼而何取由是知悲秋者自此生與感物者
因茲為主則有三年逐臣千里遠客鄉路何處君門且
隔吟澤畔之風秋卧江臯之煙夕逆旅愁聽鳴蛩四壁
欲解寒衣蕭然淚滴媿好恩薄義猶辭輦永巷秋深層
城夜淺涼月斜照明河近轉塵滿瓊鈎珠簾不卷秋聲
四入曼睩雙泣長樂歌鍾悲來莫辨香衢甲第趙李經
過霞擁繡軸風調玉珂高堂引滿醉舞婆娑承一作永夕
之樂孰知其他清露醒後遠砌聲多瞪視凝聽傷如之

何去歲良人遠征絕域錦書欲寄翩翩鴈翼不語朝紡
含頰夜織其那空閨悲鳴亂逼欲夢翻驚方愁更憶腸
絕聲聲門前月色貧士失職寂寞下帷蘭葉風敗苔痕
雨滋覽鏡而玄髮將白拂塵而素衣已緇柴門日暝響
沸茅茨展轉孤枕偏驚故時念懸鶉之正弊恨躍馬之
將遲何必葉落自長年悲且蟲之聲也無端人之聽也
多緒亦由心羈者多感激志苦者易悽楚苟有任於行
藏亦何嗟於寒暑水之積也鱗斯奮風之厚也翼斯舉

彼數蟲兮何知且逍遙以容與

蜘蛛賦

賈餗

涼風起兮秋初步
簷宇兮躊躇有微蟲之窈窕
挂輕影於空虛
績不待筐固無求於蟹
結而成網若有羨於魚
觀其周旋細密
往復輕疾
縷積於織
綸成若屈其身也
或垂之如墜其絲也
亦動而愈出成章
無札札之聲不
漏得恢恢之質
夜居於外同熠燿之宵行
日就其功異
蛾子之時
術於是規模既辨
詭麗無儔
纖羅礙日薄霧

含秋園影初成有似毀方而合輕絲乍吐還同不如其
柔塵飛空而胃結葉下樹而縈留可以待遊蟲於死地
為終日之養羞嗟夫積少者多因微者大始一絲而輕
絡成衆目之交會言其巧乃織婦不如語其功孰雕蟲
可配豈徒玩迴文之縹緲閱浮景之明昧風乍觸而將
紛露微霑而成類實亦愛其組織憐於琢磨將懸心而
有待信役力而無他容有志業未騁勤勞則多文章徒
緝職競不羅覩在戶之呈妍爾功既就慙閉門而守拙

吾道如何

第二

敬括

蠢爾蠨蛸樂居閒邃不資毛羽以為力不假暉光以為

媚挺自然之巧蓄多端之思託玉堂以謀生賞

疑作當

金

窻而得地得地於中因而致功委曲面竇廻環

一作旋

接

空踈長絲於柔指拖纖網於輕躬妙技將臨愛南軒之

上月清心欲就愁北戶之生風始裔裔而將盡幾絲絲

而不窮是經是構既勤既勗或連延於壁隅時蒙翳於

楹曲雜花愧而左右交引緣錦屏而遠近相屬爾其乾

坤

一作乾

務生運動多情窈窕前移有作調

疑

梭之勢透

迤下退無聞震懾之聲遠而瞻籠絡紛披如罽罟杳

之結出迫而察嬋娟斐疊似綾紈綺縠之綴成至如河

漢佳人濮陽美婦蜀江新製秦樓妙手將積功之多途

固仁智而同壽且驗以張弛效其縈紆踈而不漏細而

勿逾貼飛花則亂錦霑皓露則垂珠彼蒼蠅兮則營營

而見繫此粉蝶兮亦栩栩而就拘則知繫縲綫者信非

其罪囚羨里者又匪其辜韓非所以飲恨伍子所以捐
軀痛凝脂兮若爾祝一作想一面而得乎雖復龍之神兮
深其穴而自全隼之捷兮高其巢而取樂龍竟入於炮
醢隼終嬰於弋繳彼守道者當然况履危而可作既而
倚伏無次職此之由應塞而止從波而流四時可以投
契五湖可以泛舟即松石之堪保奚名利之足求子徒
羈牽於弋網期遠害而能無少憂

蒲盧賦

以教彼他蟲變
成時類為韻

究政化之所歸於蒲盧而可見負么麼之異族能教誨
而知變大鈞所播各異稟而殊方二氣相生遂改形而
草面初其穿土取彼桑蟲負以蛸飛之勢寘諸蝸舍之
中以氣相感以類相通笑鄧攸之輩無兒絕其天性若
何晏之為假子養在公宮薨薨鼓翅咽咽傳意本乃與
吾同物孰云所畜非類如能肖貌便若假寐因蠕動而
稍分與胎教而齊致蠶尾潛出蜂腰未備將草故而就
新諒未同而本異嗟乎俱為化育別感生成已改其狀

復移其情躡糞土而服戰弄清風而翅輕漸能羽化永
別跂行具體皆遷雖似通於應變無心而守曾不知其
改更連拳未已奮迅復止謂我自然莫知所以舉螳螂
之臂而動振莎雞之羽乃起化形如蝶既以忘於神遷
委蛻若蟬信難窮於天理雖離本質亦匪殊姿遇穴入
易逢花去遲見其類而却為非類遇一作其支一作枝
而翻訝何支衆彙皆同昔不非兮今不是含生無別彼
一時兮此一時然則聖人舉以立言指而垂教謂微蟲

兮猶知適變矧伊人兮不能胥效於戲其形稍別其類
靡他煦然而方隨氣毋蠢爾而共稟天和吾徵夫螺贏
之與螟蛉也見品物而居多

燈蛾賦

以人皆曰
予知為韻

陳仲師

燈者火也尊而不親奚斯蟲之眇質翻體密而意馴必
將蹈火而後止是以疑冰之與隣雖異探湯執熱之情
可見不蒙明照暗投之罪則均是以鴈飛無忘於避繳
龍蟄有貴乎存神於以知無知之智有以同自知之人

無損於明雖光暉可借自貽其咎與壓溺同塵始其燄

燄中開青煙爰發燄

一作
燄

四足白羽若月焦爛唐突

離披觸愛人心卒然天意若曰嬰焚灼者何如玉石之

俱盡處高明者曷若烏兔之屢闕且繼彼覆車雖百夫

死難而無餘納諸密網狀衆鳥驚飛而在初循環責實

宛轉投虛沉脂膏則屈死觸烟燄則焚如自我構患非

天禍予愛水螢之光載浮熠熠笑鼎魚之樂其燄

疑作
燄

徐徐跼乎焦原可叶其義投畀炎火莫之知避曷若晨

雞候明以自得火鼠就躁疑作燥而無累莫不守之以為

順居之以為智是蛾也餘光可託留影如寄排朱燄扇

輕吹胡麋疑作糜爛於瞬息為腐餘之容易若然者蠢蠢

之類將外強而必乖炎炎之著非內熱之所懷既油然

相煦於膏火亦瞥然相忘於形骸吾所以知捐軀於鼎

鑊與是道而孔階

第二

范鳴鶴

流月半庭兮頽光初夕金釭坐明兮凝暉的的蛾繚繞

而未息意沉潛而自溺逝者已往存者可哀伊戚戚之
未畢俄栩栩而復來覩前軌之已覆因委命而不回彼
尚無恨哉殊化難窮神理斯昧物情無傷亦或貽害每
捐慮於進止恒忘懷於否泰任逍遙以無營將何負而
顛沛如膏之明豈怪前死比薰之馥豈惜同燬儔二美
而多慙痛一生之虛委明不可投投之必斃膏不可赴
赴之必泥彼優遊之萬端奚於斯乎失計始來也吾故
知其必凶及死也吾未識於所從何生微而智劣苟不

若於自空爾愛候明何不候日光陰不留尚存爾質爾
愛候明何不候月素華將移爾猶不滅何相繼以焚軀
竟不知謀之為拙玄豹深隱終不效幾是蟲以慾卒與
命違豈若不死之僂鼠待昏夕而後飛

螳螂拒轍賦

以怒臂當車生
不知量為韻

陳 矧

蠢彼微蟲勇而不懼當往來之轍跡阻東西之馳騫聞
輶輶而虎蹲佇鱗鱗而狼顧見危致命方確爾而靡遷
唯敵是求乃毅然而增怒且肖形卓犖植性强梁豈奔

衝之足畏非會遠而不當逸性喬桀雄姿激昂拖輕軀
致命死地壯前趾若有巨防觀卧轍之時似當黃霸想
埋輪之處何憚張綱其或輸穀千箱御姬百兩方擊轂
之自遠已張拳而相向死且如歸路何能讓苟不折節
於焉用壯睥其目曾不見機揮以肱豈為知量其理何
如其生忽諸禍甚觸株之兔危同戲鼎之魚行無逗撓
豈必蘧蔭在聖人之經誠宜避地非長者之轍詎肯迴
車且麟傷豈仁龍醢非智思控搏而莫及喻壓溺而何

啻不若履薄兢兢臨深惴惴任肖翹之可適曷強禦之
不避微茫膚血豈足殷其左輪展轉路塵寧止斷其右
臂居當假息動必阡危捨鳴蟬而莫捕茂黃雀而不知
儻所據非據亦何斯違斯謂豺狼之不若念虺蜴而何
為且含氣之類求生之厚豈必賢哉曷云能不獨不降
志自貽伊咎誠輔轡之所加諒齏粉而何有奚必矜夫
趯趯冒彼彭彭願陳力之方盛意當途之足驚曲循天
理深居物情徒糾紛而莫紀固密勿而難明倘不載馳

載驅廣人之用當念無輓無軌遂爾之生

蟄蟲始振賦

以和氣初發幽蟄潛啓為韻

王起

蟄以寒閉春以陽和閉者待時而後振和者煦物而無
頗萬穴之中或羽毛而櫛比積塊之下或鱗甲而駢羅
咸蠢蠢以潛發應熙熙之屢過則知出處有時變通為
貴煦嫗斯感嚴凝罔畏跂行喙息負日月之融光蠕動
蠖飛得天地之仁氣爾其形分土石色動丘墟潛乎野
處達彼巖居歷窮陰而茲久當獻歲之厥初思麗景之

鳴躍念和氣以吹噓順於時比應雷之雉感於候同上

水

疑作冰

之魚况夫勾芒整轡太簇紀月蒸以細緼斂其

鬻發或振羽而不倦或動股而不歇細則盼蠻以凌空

巨則連蜷而映窟處否藏周逢時出幽順地之理承天

之休將昭蘇而忽變豈枯槁而為儔想像山川依稀原

隰氣且布於感動形無違於燥濕秘邃泥蟠依稀土蟄

青雲之表期蜿蜿以龍升繡戶之前佇翩翩而鷺入則

知離於淹滯託彼沉潜苟存身而有待必垓戶而是瞻

豈唯月令舊章紀之而無斲時訓前典徵之而不厭客
有窮屈伸之理得行藏之體固無恨於陸沉將必俟於

天啓

蟋蟀鳴西堂賦

以始入於門漸
藏床下為韻

張隨

歲云秋矣秋亦暮止西堂寂聽之時蟋蟀寒吟之始紛

稍稍

一作
悄悄

以驚節洞嚶嚶以橫耳若夫八月在宇三秋

及門清韻晝動哀音夜繁潘生感而增思宋玉傷而斷
魂於時招搖北馳河漢西瀉煙澄寥廓露肅原野背暑

而出爾草間驚寒而入我床下或有聲相應氣相依雜
蟪蛄於內屏混燿熠於前除羅幌燈寂珠簾月疎掖庭
聞而夜久華省聽而秋餘若乃愁雲結陰暮雨流濕拂
寒威之密邇當暝色而逾急我堂既在我室既入亦何
異羣鳥養羞昆蟲閉蟄嬾婦也唯爾可以促女巧羈人
也唯爾可以催客泣夜如何其夜未央天晴地白月如
霜士有衣絺綌坐藜床怨空階之槁葉聆暗壁之寒蠶
乃言曰何彼蛩矣與時行藏火氛鬱蒸迹邁於中野秋

氣融朗聲聞於西堂然後屏輕箴卷涼簟時歲忽以徂
謝功名曷其荏苒美幽化之有成陋晉風之太儉夫如
是莫不驚白露之蟲躍望青雲之鴻漸

蚍蜉賦并序

李德裕

此郡多蚍蜉余

一無此字

所居臨流寔蕃

一作繁

其類或聚於

衽席或入於盤盂終日厭苦而不知可禦之術因戲為

此賦令稚子煜

煜一作煜

和之

惟江潭之下國况幽居於澤畔何螻蟻之微物亦有徒


而凌亂或泮散於經笥或蝨緣於食案余乃戲而問之
曰爾能居厚地而漏山阿無乃處吾身而為大患蟻不
能言詞以臆宣其旨曰我稟形於造化亦一氣之所甄
嘗濟齊師之乏曾聞媯德之羶覩封穴而知雨驗寸壤
而得泉以時術三字一作
出以時而不息故學者得而稱焉戴
笠而遊若巨鰲之冠神嶽繞磨而行如日月之麗青天
若乃依垤緣壁淫淫奕奕其聚無聲其行無跡值晏溫
而出遊當祁寒而入隙迅雷作而靡一作
不駭微雨灑而

自適生維一作雖瑣細亦有行藏止若羣羊之聚進如旅

鴈之翔乘其便也雖鱣鯨而可至一作制無其勢也雖蛭

蟻而不傷今願悔過戢於一作于垣墻豈敢同青蠅之點

白汗君子之衣裳



文苑英華卷一百四十二